

續修四庫全書



《續修四庫全書》編纂委員會編

續修四庫全書

上海古籍出版社

一五四七・集部・別集類

養知書屋詩集十五卷 養知書屋文集二十八卷 〔清〕郭嵩燾撰……………一

鄒徵君存稿一卷 〔清〕鄒伯奇撰……………四九九

尺岡草堂遺集十二卷 〔清〕陳 璞撰……………五一九

養知書屋詩集十五

養知書屋
墨煉夕葉

自序

予自三十六七以來遂廢詩文之業蓋謂今之爲詩文者徒玩具耳無當於身心無裨於世教君子固不屑爲也洎引疾歸田深惟古人立言之義頗思有所譔述而又被

命出山乃使吾心所鬱蓄曾不得一究所業以質之後世泯焉以終身拊心自惜其何能已將行乃取甲寅以前所錄存古今體詩九卷屬之仲毅叔和兩弟與景喬研生兩詩老共點定之存吾詩二三卷於世其他文散帙未選錄者約爲四束納之簾中異時或金玉之糞土

養知書屋詩集

序

之以待千秋萬世之審定不必汲汲自表著也時壬戌秋七月十有八日玉池山農郭嵩燾自識

養知書屋詩集
養知書屋文集

〔清〕郭嵩燾撰

據上海辭書出版社圖書館藏
清光緒十八年刻本影印原書版
框高一六八毫米寬二四四毫米

養知書屋詩集目錄

卷一

古近體詩四十九首

卷二

古近體詩六十三首

卷三

古近體詩五十二首

卷四

古近體詩五十七首

卷五

養知書屋詩集 目錄

一

古近體詩三十五首

卷六

古近體詩五十四首

卷七

古近體詩五十五首

卷八

古近體詩五十九首

卷九

古近體詩九十首

卷十

古近體詩七十四首

卷十一

古近體詩七十六首

卷十二

古近體詩七十五首

卷十三

古近體詩七十首

卷十四

古近體詩七十七首

卷十五

養知書屋詩集 目錄

二

古近體詩六十九首

養知書屋詩集卷一

湘陰郭嵩燾筠仙著

曉行

山光辨樹影江勢散風濤曉色趁人至幽懷隨所遭墟
煙斂蕝薄村路出蓬蒿莽莽萬家夢馬知車馬勞

黃陂道中阻雨酬鄧

庭柑 孝廉

十日塵土眼乾枯颯然一雨毛骨蘇平原突若海水立
盤旋微見蛟龍趨我時苦溼轉窮疾倉皇走覓酒家鑪
燎衣熱火坐小閣寒聲謾謾鳴庭梧茅簷下注如潑墨
中有雲氣隨模糊君詩方成出示我相與命酒窮追摹

養知書屋詩集

卷一

一

孤鐙依壁黯欲墮猶聞林氣翻菰蒲夜談盡漏車響鐸
宿霧捲盡唬簷烏晴天閭闔萬里動惟見曉霧低平蕪
春風吹園雜花遠高車大馬從歡娛豈知濺雨入頑骨
擁褐坐對供嘲諤江山青空日月白勝游能幾身羈孤
還將詩句鬪強健揮毫灑壁聊須臾

平原道中

山榆葉響亂鴉翻古市微寒晝掩門寂寞無人言相士
滿天風雨入平原

大風行同楊性農和孫芝房

黑雲壓地如揚旛驅逐萬怪踰跟奔白日無光晝陰慘

狂嘯毒瘴霾乾坤幕天布地氣不洩咆哮撞擊馳平原

百圍竅穴號一噫勢若橫海千波翻我車掀輪馬折脛
槃姍頓蹶投荒村林聲蕭蕭聞人語老翁扶杖調雞豚
怪我顏色何慘變款客入戶風支門僕夫僵手岌強立
意似倦苦愁輪輾燒鐙呼若救寒餓滌腸盪胃蘇殘魂
須臾霧散羣山靜啼鳥喚客看朝暾

過黃村

浮雲薄暮有高心歸鳥投虛亂入林斜日滿村門盡掩
柳花飛處晚煙深

游龍泉寺

養知書屋詩集

卷一

二

古寺森喬木炎雲翳景光頽陽慘不驕振襟生微涼入
門風謾謾長松間修篁灑然落幽響飛鳥鳴且翔虛堂
漏白日清影回長廊園花過宿雨晴景烘餘香高樓涉
飛梯矯首青天長蕭條蒲葦秋積水平茫茫層城鬱人
氣幽想落清湘歸途振衣塵浩歌懷滄浪

陶然亭遇雨

城西愜幽契飛蓋游以盤斯亭敞晴構繚宇回長闌高
松四羅列凜凜生夏寒清風颯然至浩若江回瀾迢迢
西山雲屈曲蒼龍蟠飛雨盪長空萬派走驚湍初疑雷
擺石砰磕落高灘琤琤萬木杪側注如跳丸簫鼓羣飛

揚奔泉灑長巒翩然眾仙下雜珮搖琤驅車整歸裝
斂衽追清歡奔雲蓄餘怒飛霰浩漫漫泥塗蹇我躬惻
愴行路難

得家書

離家如過雨憶家如畱雲突出無端倪萬緒徒紛紛書
來忽心注雜想已風分所思迅若忘一見定百聞慮散
還復歎獨鳥思其羣南陔夙所慕奔走意何云變遷在
時序一雨羣花欣我何委泥塗念此如重醺

荒田不盈畝衣食歲有須雨暘及春晚稻苗亦已蘇入
夏江淮溢勢迸溝澮趨高者未及收卑者爲具區東南

養知書屋詩集

卷一

三

昔開墾地勢爭江湖辛苦供蛟鼉或以飽鵝鳬慘聞瓠
子決更苦流民圖告哀人不聞悲歌亦何迂幸及高原
熟稍免全家呼逝從隱園隱老守愚公愚

生男多歡喜生女多哀憐昨夜夢爲蛇兆見太人占墮
地云抱子居然一女先開書心展轉喜定淚反潛自我
去鄉井親老意淒然旦夕念抱孫庶以慰拳拳低徊應
其惜婦女喜或添有酒知還賀銀鐙照華筵他年見阿
爺行解乞花鈿何當學烏哺飛歸墮爾前

黎丈

吉雲

侍御見示近作戲贈

文人好譽詎爲病祇君一意皆天成向人嘯曲自偉論

語有獨造心怛怛繁星夜嘒鐙照席繞階顧步參河橫
甯甘屈塞向人世天馬仰空時一鳴

太華三峯削空秀意境傀怪誰能攀試摩絕頂造諸險
忽若平澹通天關霹靂出手不爲異旁人愕視疑神姦
岩薨此境到豈易嗟我欲往愁空還

野人來往不計日仰見日月知朝昏尋常一控青絲轡
時復逃歸橫木門空山聲欬亦罕得焉有美論同傾翻
見君飛動背君歎眼前相值宜高言

秋蟬

落葉不可抱苦吟哀豈知淡煙浮暝色殘雨咽枯枝霜

養知書屋詩集

卷一

四

信驚還速鄉書達每遲並傷憔悴眼何事與秋期

金松茹烹茶圖

松濤捲雪天風乾秋氣透骨森肌寒庭陰漠漠蟲鳥靜
茶煙裊裊蚊螭蟠我始逢君已心渴竹裏飛泉如乳潑
品茶但取旗槍新洗耳不聞絲竹聒隆隆傑閣撐青空
飄飄兩腋生微風明朝張渭觴李白應誇韓安知盧仝
晏雲唐和坡老岐亭詩至數章人多誦之用其韻以贈
晴光盪天海凍色熒露汁驚蟬抱秋鳴老兔滑雲溼幽
眺快千尋古歡懷一得心勤山水赴趣奪風雨急疏箔
動銀鰕暖香溫寶鴨竹響雜清湍松陰篩翠羃手試煙

煤明坐對霜林赤四壁閃空青滿庭積虛白醉舞每墮
髻豪揮猶岸幘木落見峯攢石咽聞泉泣模糊月弦墮
指點花陰缺低昂足晨夕錯雜忘主客友福已忘年和
陶其編集

雨晴出遊用岐亭韻

縱橫玉局游傾倒金壺汁寒噓日色薄晴漾苔痕溼清
酣赴今賞眩惑迷前得雲馳旆旆翻風戛箏絃急過樹
響山禽又魚觀水鴨蒼崖綴霜華紺林擁煙霧桑果殷
秋紅埴墳通嶺赤平池菱實熟積隴棉花白彈碁每席
地沽酒或脫幘日暈海棠羞露泣芙蓉泣百眺足千歡

養知書屋詩集

卷一

五

四美無一缺山川狎游主魚鳥趣吟客歸來得暝契觸
眼峯巒集

仍用岐亭韻述別

日出東井間五緯因相計是時冬寒臻霜積簷溜溼林
臥及初沍斂退分所得帆趨心迸躡艦突水爭急倏聚
如蟲鰕迅散若鳬鴨波光動荻蒲人影隔簾幕橋通龍
脊寒霞落魚尾赤終風捲日下急浪回天白驚顧喜而
哈頽然整我幘長虹寶劒舞白晝饞蛟泣我生寡見聞
及歸收廢缺硯硯已窮年紛紛仍上客世事愁沮洳吁
嗟百憂集

除夜寄懷曾伯涵兄劉孟容兄

悠悠迫殘年蹙蹙悲短景低簷爛明星人聲騰夜永殘
鑪擁商陸投閒得佳境陰陽暗相薄天風豈能靜聊以
酬歲時中宵醉酩酊悵忻忽而半如機巧相引感時物
則然於人豈蠢蠢念茲平生友飄泊各蓬梗曾君志方
強高軒奉朝請寒風攬我襟對語一甌茗探懷出新製
孤松削秀挺條來去亦迅敲石散一瞬劉子走荒山藹
足那能騁納眼無今人見古始光炯近時韓伯休歸廬
事幽屏精心窺聖奧持律方嚴緊交呂旣軒渠友范亦
脩整曩游憶衡峯飛步思巧逞鬪健輕千磴縋險有諸

養知書屋詩集

卷一

六

嶺常聞禹穴奇踏崖勤睽審苔裂滑蒼雲石豐流寒瀟
雷硠泉墨潑注盪山翠飲鉤心事擺磨啟竅生虛噤於
時各少年騰踔眞自幸去歲舉於鄉獨上浮春艇矯矯
曾君行離離動鞭影突發若爭鋒兩騎相蔚炳我足蹶
不前故人已臺省葭依且旦夕緇汚其衣衽劉生方苦
吟汲水依故井以書來慰藉藉席得安寢假歸及冬寒
踴躍晴天迴飄風起訇哮吹散鞅與鞅揮手就我廬及
茲息踵頂今冬復追及昨事都俄頃或爲行霄鶚或作
號秋蚓而我方瞿瞿愁寒抱孤枕亦欲學藏驅與澀嫻
未肯惟有默尋思恟怳難爲諗蘭膏煎長明竹火響虛

警雞聲無遠近相助攪清冷
蠶盤屢前陳妻孥意或領
古人去家室離懷苦不拯
安能長今夕不寐心耿耿
入都示仲毅叔和兩弟

遠行意先傷待曉夜無寐
古壁黯孤鐙人影忽在地
悽切此時心慷慨平生志
疇昔公家徵臨風振冠珥
壯圖有乖互茲意漸失墜
連歲疲塵勞奔走令魂悸
蕭條聞夜雨相對各顚顛

僕夫促曉發出門意遲遲
遲遲心有屬相顧且須斯
昔別雖云悲歲月猶可期
今別豈殊昔難言歸幾時
遠游自特達所憂斗與箕
寒日方杲杲眾星猶離離
且當從養知書屋詩集

卷一

七

此去艱苦當君貽四方君
不免無用還相思老親念
行役暗泣倚幽闥首先問
歸期不復計窮達功名夙
所存私愛豈能奪以此室
家情悵彼江湖闊雨雪行
罪罪木葉黃已脫浮雲隨
遊子淹忽其天末堂前樹
萱蘇手凍不可拔祝君潔
洗腆慰我長飢渴

前年京國歸所歷多遭迤
升堂問諸弟痛哭嬰煩冤
哀此人事變奪我骨肉恩
始別溼行裾今歸號寢門
拭淚語兩弟守耕慮無煩
一頃或難謀一椽苟相存
斯言君儻憶何爲復走奔
窮年席不煖欲挂聲先吞
存者有別離亡者將何言

哭蕭韶

韶死京師屬後事董君張翼且言僕者某所好能以詩哭某使人聞某死哀之即目瞑矣洎僕來京師韶死五月曾不知聞董君言哀而哭之以終其意

君其腰腳頑投身恣騰踔三年行次且九死添飄泊
君君臀無膚終然苦束縛或者全其生騰空逞虛度
始余年十六誦詩知大略如彼鳥鳥鳥強作雞膊
膊觥觥春灑滂霈獵捷恬鋒鏑角險交砒硯乘酣迅
穿鑿哦山力每疲澆壁心或忤君時獨見昨就我相
要約出其所爲詩結構存斟酌溪湍蹙潏沉峯巒
孽秀削引今能導窾控

卷一

八

古每批卻前疑燭九幽往往發其幕真機引敷柔老氣
森噴薄唱酬兩弟昆後先相煜爚余時貳其間交與爲
然諾戈盾或分馳旗鼓得掎角神鬼關槎枒崖崖事
變斯躡峯矜矯捷解衣肆磅礴或驚翔兩鵬實則君一鶚
前年貢成均逶迤向京洛予同忝嘉招崎嶇雙馬躍一
接勢俱挫獨前氣亦索予力持以歸君方顧而愕馳驅
吾分耳生死固磊落觀其竦兩肩僂僂神先弱終知投
魑魅曾不自察覺迨遭信天窮作孽不可活槁老猶飄
零其猶風隕籜蓋棺事則已塞冤罰亦虐祇今弟與昆
何以慰酬酢款款同年生生死君所託邱塋慘遺屬風

沙渺河朔沈魄閃爍飛酸骨歸繭絡終投瘵蠱鄰差免
狐狸攫祇茲夙所癖到死猶咀嚼遺言爲悲愴隱慟入
沈著街冤首陽高漬淚桑乾涸招魂係之辭山鬼啼幽
壑交情雅道盡持以付冥漠一詩相始終書空自捫摸
秋夜曲效溫飛卿體

鳴機軋軋風淅淅流蘇輕捲芙蓉色明星飛影入罽毼
簾波不動鰕鬚直鉤闌秋草暗黏霜玉妃手捉寒兔匿
輓轡雙挽虎牽絲溼銀注井甍促織網軒不隔笛聲飛
倚戶遙聞聲太息南鄰夜飲歡樂多冰槽雪腕奈愁何
次韻李仲芳孝廉

養知書屋詩集

卷一

九

讀君欽寄之短句使我瑟縮不可當離離鐘鼎鬱古趣
冉冉蘭芷生殊香跌宕湖山日照灼激昂天地雲飛揚
狂歌一曲足君意瑟瑟清風來四旁

示從弟象文

我拙將毋木石頑子才真可破天慳一斑窺豹文猶隱
萬弩回牛力豈孱不合經營三畝外可容位置二劉間
舊遊能說吳中事煙雨迷離萬笏山

哭李春和

天意竟如何斯人已逝波幾年悲道路一夕渺山河死
訣浮雲滯生傷夢雨多別時猶慷慨歸日已蹉跎

早歲聲名共頻年契闊深偏君能特達何處不招尋夜
泛魚龍水春歸鳥雀林生平詠蘭句初意竟銷沈往題其畫說多恐同心不似君

落木殘秋意風搖晚更誼極知傷早慧不敢問煩冤伏
枕諳愁思拋書漬淚痕別離霑袖意今日向誰論

南湖洲阻風

舟行向陽曦雲景瞻清曉寒江捲宿霧野色薄晴昊奔
風何自來濺浪浮空森頽雲雜波濤四散如飛鳥挽舟
向孤墟遠出喬木杪秋杉隱篷背人煙散林表蒼茫湖
外山戢戢峯巒小浮天有遠浪避地得孤島散髮江之

養知書屋詩集

卷一

十

湄誅茅聽風筱

沅江雜感

大澤沈吟客思回漫天風絮卻飛來荒城早暝連山暗
苦雨餘花入夏開一劒買牛須早計六鈞射鼠自纍才
爲尋招屈亭邊路斷石荒涼沒草萊

渚蘋澗芷不須論斷岸年年過水痕江路飽經諳港汊
石橋環住見牆垣一星魚火溪西夜千點鷗波雨後村
天靜月明人萬里酒瓶欹側待誰溫

近水浮家不自聊十年民氣半枯凋竹杆土銓流離屋
木酪蒿羹黯慘宵壤壁雨多春出菌廢田草長暖抽苗

狂夫儘有雄豪夢夢駕長鯨控海潮

晴湖釀作晚春寒伏枕南園景又殘小苑棠梨紛委架
他鄉風雨賸憑闌儘教公論推龍尾肯信浮名值鼠肝
問訊故園新長竹何時歸斬釣魚竿

晝長

晝長賸覺客情孤細雨纖纖乍有無密樹安巢聞啄鵲
破窗綴網看懸蛛勞心遠道人何處刻意新詩貌已癯
強作東坡畱滯語經營身計一生迂

寄懷

轉逐流光日拂衣蕭蕭短鬢幾時歸客情似水常東注

養知書屋詩集

卷一

十一

鄉夢如雲盡夜飛上架殘花蝴蝶長到門新漲鰕魚肥
應知此景都看過日日牆陰下落暉

晚登岳陽樓值雪

大雪滿天地高樓生暮寒波濤春浩渺城郭夜瀰漫畱
滯逢多難艱危博一官東風吹客眼三度倚欄看

禱風石頭關武侯廟

南下江陵水出沒雲濤堆東望武昌城隱見吳王臺魏
帝翦羣雄虎視江之隈長波駕巨艦蕩蕩旌旗開周瑜
及黃蓋豈乏經綸才反覆議戰守成功亦難哉臥龍初
崛起定策自西來沙蟲與魚鼈一舉成寒灰深謀莫測

識後世存疑猜沈沈觀風壘夜半驅雲雷天人感召微
此理良恢恢何必祈禱功劃然神鬼回今我復拙謀顛
倒成凶災洵波負兩足浩浩相誼逐舟人勸禱祀醴酒
躋崔嵬吾道惡私營苟便非良媒武侯英雄人遺蹟猶
榛萊不應杯酒間窈窕趨塵埃定心無一營竟日畱徘徊
須臾與風力轉揚帆著高桅舟人咋有神亦足供歡咍
古人事茫昧遺民爲興哀悲歡兩無施孤坐傾尊壘
河南道中

二十餘年感慨多自嗟精力已銷磨高城鼓角東臨汴
落日風沙北控河久賤略增人閱歷苦晴偏值雨霏沱

養知書屋詩集

卷一

十二

詔書南下求民隱攬轡從容一浩歌

雨

終日雨不止僕夫飢更噉兩年深苦旱一雨復含悽河
廣不可厲夜深何處棲茫茫遂春晚猶及麥禾齊

二月八日雪宿蘭儀

萬戶流亡更幾存平沙無路問河源居民小市畱人住
野屋西風搗雪翻終日忍飢纔一食十年扱履向何門
旌旗飛動關山遠破帽輕輅共 主恩

趙州橋

土室無光輝村廬得八九石橋平促促高樹蒙槐柳速

郵凍犀睨狎浪饒蛟走到今萬輪蹶摧折亦俱朽連年
曠早憂焦傷到藜莠盤餐供草豆果腹非適口客廚問
豐味藿菁間黃韭羅列始一盂吞拏極眾手人餐權百
錢壘疊校尊缶箕斂與頭會一例欲誰咎刻剝供官倉
生成爾何有道途向昏黑天地積埃垢鄙夫得一飽平
生能數否區區爲身謀所憂媿升斗乾風號野屋攬涕
更搔首

隆興寺

百丈金銀闕莊嚴上曙光祇園仍六代遺碣自 先皇
樓閣春雲護松篁曉日涼游觀半天下心折此徬徨

養知書屋詩集

卷一

圭

北河展楊忠愍公墓

明祚嬰多故構難盛奇躅楊公磊落人曰豈事溝瀆生
平褫兩姦高論排鈞軸整冠伏青蒲引分甘折辱激昂
壯士肝不救蒼生哭委身向西市遺冢茲山曲巍巍一
坏土自古禁樵牧滄桑有更變荆棘日蔽簇穹碑湮寒
泉剝落亦孔速展拜蓬塊間迴立天地肅鈴山自遼美
未要汙採錄寥寥古賢心名聲積簡牘豈必憂變遷高
下隨林谷浩歌激古烈高視薄今宙惻愴松筠居疏煙
挂喬木

湯陰岳鄂王廟

城上風竿散晚鴉鄂王遺烈隱吹笳故園父老依青帳
絕塞衣冠望翠華北伐朝廷空有詔中原鼙鼓已無家
黃龍落日應回首異代鄉關寢殿斜

唐丈太常二圖

守平樂時防
江華謠警作

五原學舍圖

聖賢久寂寞夙暮用營省闕宮亦羣遊堂奧叢榛梗小
辯飾蜚蜺龍言雜蛙黽各師心得賢何從別燕郢桓桓
太常公約轡無浪騁平生閩洛交洞古發光炯直窮聖
心源屹駁歸峻整窈窕冥回幹力足以伏頑獷藉公襄密
勿經綸得要領何況侏僂人近接旄麾秉鬱林古荒郡

養知書屋詩集

卷一

古

竟西蓄石嶺置官尹颺孫鞭撻向鷺猛峒獠雜伍伯分
屯散連承楚人閩一鬪櫓槍沸東井縣連皆曼俗其勢
善虛警我公示約束椎結氣先屏一言戢禍萌定策在
俄頃此誠可漸摩如苗實含穎遂通比景南影撒精廬
影想見陶淑心造意無人境政成高其翔暮年暎臺省
奉常漢職司廷議容骨鯁豈徒慕丁桓庶睹崇魏丙羽
干事難論懸楹薦文杏吁嗟五臣業夔也抱清耿獨令
守鐘懸至今爲齒冷衰顏日蹉跎正學爲贅嬰壯公崇
道術遇事取自靖圖形起蒼梧肅拜瞻那那作詩激頽
頑持用祝噎哽

十月戎行圖

蒼梧國小荒百蠻崑崙障天通天關昭潭老守有道力
氣壓萬猛安如山臨賀城邊夜吹角雲梢摩盪朱陵間
楚人轟呼粵人舞豈免同類爲羆貓樓船將軍下潯水
斬刈不肯遺草菅此曹習捷鬪身力自古用法同機閑
鳴條聖人舞干羽不聞垂拱憂苗頑飛章走馬到山寨
百酋羅拜弓彎環塹山堙谷扼要害一洗伏莽無畱姦
飛鳶墮水人徑絕巉天萬嶺何由攀枕櫛月黑霜沒嶠
懸崖躡鞚溫且閒書生膽智乃能爾老氣宜卻熊羆屏
古來攘外先靖內品類得理誰敢干邑道有猾問長吏

養知書屋詩集

卷一

五

指揮鞭撻無後艱前年邊海困小寇徵兵轉饟車班班
漢家戎事倚衛霍徒聞龔遂蒙詔還搖人日久厭兵革
黃肩倒挂無人彎用思州邑得人效邊氓都士俱歡顏
先生義勇出道德今之圖畫何都爛終南射獵身欲老
殿上奏策時猶慳願持此議效賴采天高聽遠無由扳

陳三兄太史

源克屬和悼亡詩

陳君有良匹婉婉匪一朝百痾殄其躬悼念不自聊請
陳所悲哽用代巫咸招去秋事反覆朝日值元枵遘厲
殷牀席沈湎錯昏宵扁盧萬其口莫能究根苗蹇蹇房
闔間生死久所要刀圭難爲施剗肉相和調疾者霍然

失觀者神沮消正晝鬼伯泣鬱鬱慘不驕華顏無復光
朝露委先凋喟予感斯烈厥生無所徵則知聖哲心千
仞凌嶢嶢古人骨慘澹一一飛燐燐日月老鞭笞聲名
死闕寥彼惟忠烈資傳之眾口囂區區體魄餘何必期
松喬陳君勿復悲命分各有繇婦人飽糠粃所職則織
么當其剗刃時感激輪膏骨蒼皇走雷霆瑟縮失賁要
丈夫顧盼閒俯仰輕塵霄腰下鳴佩玉頭上冠金貂委
蛇不職事泛若萍蓬漂斷吭未云報死骨空湫溼豈伊
舖微躬營身友鶴鶴炯然彼婦心不受眾口漂君勉事
此意萬一猶可憐庶毋覩厥室瑣瑣叢譏嘲柰何費晷

養知書屋詩集

卷一

六

景日夕以悒悒感歎陳斯章有采視芻蕘
次韻王兄子壽比部雨過曾伯涵學士飲
車輪窩地軌復摧落葉雨急當空筵層城鬱鬱填華屋
一夫抵掌千人哈腐儒衰晚謬朝籍或恐侈泰生凶災
深瓶貯水洩雲霧吐納萬有舒兩頤雨塵灑面閱紳雋
裹足入戶仍鑿坯偶乘款段踏朝鼓泥汗滿頂何來哉
曾君老屋隱城麓畱君一笑芳尊開磨刀霍霍向葵笋
傾壘瀉甕爭誼厖法曹下直自嘲謾堂上一諾顛春雷
平生讀律心語口昏墊豈爲吾民哀閉門高歌出金石
東鄰夜愕西家猜百年風雅路榛梗及時漢道方宏恢

我生貧賤眾所易一月枉顧能千回未覺螳螂殊蟹足
強呼章舉齊豹胎人生分寸各有執詎可校量腓與脢
營營一飽爭雞鶩萬足攢聚驅還來誓除人事從君隱
有田不歸如此杯

養知書屋詩集

卷一

七

養知書屋詩集卷二

湘陰郭嵩燾筠仙著

出都雜感

東望悠悠一愴顏浪游強似故鄉還清秋落莫衣冠別
白日深沈虎豹關錯轍驚沙連雨雪譙門曉角夢雲山
淮南米價無勞問儘放長塗數日間
碣石盤陀突騎橫高秋海上耀綏旌似聞使者持金節
早見司農計水衡萬里島夷浮水至一星參伐傍霄明
旅獒不入王都貢坐見煙塵四海清

養知書屋詩集

卷二

一

誰能談笑似吳瑜轉輸先見愁飛粟賁微聞再剖符
終是聖明天子事和戎魏絳豈疏虞
高城斷角曉來誼菟是流離不復論枚叔祇應思茂苑
張壽翻見出河源防秋士馬西風慘橫海蛟鼉白晝昏
磨盾從戎眞自許好談形勢向鮫門

兩麥全虛草半黃行邊積水野茫茫竹花木酪尋常見
麥麴山芎自在嘗壓屋蓬蒿老樵悴依人燈火照蒼涼
雨聲細數消殘夜早聽當關報曉霜

梁山風雨夜深愁歲晏因人復遠遊寸草孤雲誰共託
濁河清濟祇同流檣帆東下無畱浪雲夢南迤又數州

眼見蔘葵洗涼露苦思苴菽嚮殘秋

三間瓦屋枕湖陰白日看雲憶故林家法祇今思酪乳
人生到處有商參武安路隔蘅蕪夢上谷霜沈木葉砧
冶卓政黎誰得似翩翩書記走陳琳

西山相伴向時容落日寒雲更幾重一語和凝知范質
十年任叔憶黎逢春池樹老雲翻鵲秋雨寒多葦化螢
未免平生知己淚高梁河畔水淙淙

聲名天半鬱飛騰閭闔晴開路幾層豈料左川一歸客
又從東道試行滕海南翠羽夷通舶夢裏黃河馬踏冰
多少關山征戍苦淒涼古驛對寒燈

養知書屋詩集

卷二

二

長年多病奈秋何盡入梁鴻五噫歌楊柳官程諸郡隔
菊花天氣夕陽多關河略界唐封遠越鶯虛傳漢節過
準擬看潮東海畔樓船無數正橫戈

聖湖東畔若耶溪道路傳聞尙鼓鼙白日昭昭如我待
行雲眷眷傍人低長楊灑落畱新著古寺招尋記舊題
獨下翻空黃鵠侶明朝終見隔雲泥

百年景味寸心遲浪跡登樓此日悲人去人來如昨夢
秋風秋雨失歸期往時醉草三千牘愁裏歌思十二時
破帽疲驢吾有意釣竿攜挂五湖湄

豐樂鎮書壁六首

壁間詩六首蓋悼亡之作末署牧莊意其字也姓氏
里居不可詳西夷內犯略其家其妻投水以死詩辭
婉咽惻惻動人既讀哀之依韻以墨其後庶來者之
有知與

三年滄海有奔鯨烽火誼闕徹夜驚復道金縢歸浩劫
枉從狐鼠乞殘生魯連無語摧梁使季布何心續虜盟
欲袖鐵椎椎晉鄙從誰改將信陵兵

百丈飛船上海濤 詔書專下擁旌旄煙沙隔水千軍
臥弦管連營一曲操老將雲間歌敕勒宗臣江畔泣離
騷杜陵偃蹇千時策淚灑將軍大食刀

養知書屋詩集

卷二

三

消息天涯怯浪傳晴雲曉日照樓船金戈鐵甲縱橫地
墜烏遺釵黯澹天麗質半隨塵土盡捐生差勝長官賢
出山波浪嗟何惡太息涓涓澗下泉

差我銅柱倚搏桑海水東流路更長烈火煙埃人散亂
空城荊棘雨淋漓數行旌旆塵生海幾處衣裾淚掩霜
飽載西施憑一舸更誰持戟畫巖疆

去住雲山寄遠身至今遺句尙酸辛望夫欲化何山石
蹈海翻沈五島春誰續人間將盡命尙遲天末未歸人
當時將卒俱輕死坐見唐虞道返醇

蕭條宋玉有微詞一賦秋霖萬代悲自古成仁有如此